

UGOVOR
O PRIPREMANJU HRANE ISKLJUČIVO U ŠKOLSKOJ KUHINJI

zaključen dana 30. avgusta 2019. godine između

1. Javne ustanove Osnovne škole „Osman Nakaš“ iz Sarajeva, Gradačačka ulica broj 39, ID broj:4200164850009, JRT broj 1411965320008475 kod BBI (u daljem tekstu: Kupac) koju zastupa direktorica Aida Mikić
2. "NERRO" d.o.o. Sarajevo Armaganuša broj 30, ID broj 4201254460001 iz Sarajeva, (u daljem tekstu: Prodavac) koga zastupa Mirsad Mujkić direktor.

Član 1.
(Predmet Ugovora)

(1) Predmet ovog Ugovora je nabavka usluge za pripremanje hrane isključivo u školi za potrebe Kupca.
(2) Kupac i Prodavac su saglasni, da Ugovor realiziraju prema definisanim uvjetima u tenderskoj dokumentaciji, broj 06-459/19 od 2.7.2019. godine i prema sadržaju ponude broj 02-645/19 od 19.8.2019. godine sa kojom je Prodavac učestvovao u provedenom otvorenom postupku javne nabavke.

Član 2.
(Cijena)

(1) Ugovor se zaključuje sa procijenjenom vrijednosti, u iznosu do 143.728,20 KM (stotinučetdesettrihiljadesedamstotinadvadesetosam i 20/100) bez uključenog PDV-a.
(2) Isporuka hrane iz člana 1. ovog Ugovora će se plaćati prema utvrđenim pojedinačnim jediničnim cijenama iz Ponude Prodavca broj 02-645/19 od 19.8.2019. godine, koja se neće mijenjati tokom sporazumnog perioda.
(3) Ukupna plaćanja bez poreza na dodatnu vrijednost, na osnovu svih pojedinačnih isporuka hrane po zahtjevima Kupca na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

Član 3.
(Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

Član 4.
(Rok isporuke)

Isporuka hrane iz člana 1. Ovog ugovora će se vršiti sukcesivno i kontinuirano u toku trajanja Ugovora i to dva do tri puta dnevno svakim radnim, odnosno nastavnim danom a po zahtjevima Kupca.

Član 5.
(Način isporuke)

(1) Obaveza Prodavca je da hranu iz člana 1. ovog ugovora isporuči u Sarajevu na adresu JU OŠ „Osman Nakaš“ Sarajevo, Gradačaćaka 39, 71000 Sarajevo.

(2) Cijena isporuke hrane je sadržana u cijeni navedenoj u članu 2. ovog Ugovora.

(3) Kod isporuke hrane Kupac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati ovog ugovora.

Član 6.
(Viša sila)

(1) Kupac i Prodavac se neće smatrati odgovornima za kašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo uslijed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog okvirnog ugovora na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom ugovoru.

(3) U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile. U slučaju da se utvrdi da Prodavac nije u mogućnosti da ispuni obaveze prema ovom Ugovoru, Kupac ima i može koristiti, pravo na raskid ovog ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 7.
(Garancija)

Prodavac garantuje da će isporuka iz člana 1. ovog Ugovora biti propisanog kvaliteta koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli nadležnih institucija ovlaštenih za kontrolu hrane.

Član 8.
(Specifikacija hrane)

Sastavni dio ovog Ugovora je specifikacija usluga dostave pripremljenih jela sa okvirnim količinama, jediničnim cijenama i ukupnim cijenama po pojedinim stavkama koju je Prodavac priložio u svojoj ponudi broj: 02-645/19 od 19.8.2019. godine sa kojom je učestvovao u postupku otvorenog postupka za dostavljanje ponuda.

Količine u specifikaciji su okvirne količine usluga isporuke pripremljenih jela, s obzirom da se tačna količina nabavke za period trajanja okvirnog sporazuma ne može unaprijed odrediti.

Član 9.
(Period trajanja Ugovora)

(1) Ovaj Ugovor se zaključuje na period od 2.9.2019. godine do iznosa procjenjene vrijednosti Ugovora utvrđenoj u članu 2. stav (1) ovog Ugovora, a najkasnije do 30.6.2021. godine.

(2) U ugovornom periodu, sporazumne strane imaju pravo da za predmet Ugovora opisan u članu 1. Ovog Ugovora zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama, u pogledu svakog od ugovora koji su zaključeni po osnovu ovog Ugovora.

(3) Ukoliko se jedna od ugovornih strana ne bude pridržavala odredaba ovog Ugovora, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.

(4) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

Član 10.
(Zaštita prava)

(1) Sve nastale sporove ugovorne strane će riješiti sporazumno, a ako to nije moguće spor će biti riješen pred nadležnim sudom u Sarajevu.

(2) Na sva prava i obaveze sporazumnih strana koja nisu regulisana ovim Ugovorom, primjenit će se odredbe zakona o obligacionim odnosima.

Član 11.
(Stupanje na snagu)

Ovaj Ugovor stupa na snagu danom potpisivanja od strane ovlaštenih osoba, sporazumnih strana a primjenjuje se od 2.9.2019. godine.

Član 12.
(Broj primjeraka Ugovora)

Ovaj Ugovor sačinjen je u četiri istovjetna primjeraka, od kojih svaka sporazumna strana zadržava po dva primjerka.

Sastavni dijelovi ovog Ugovora su dijelovi Ponude Isporučioca: Obrazac za cijenu ponude, Tehnička specifikacija i Tenderska dokumentacija Naručioca, broj: 06-459/19.

Prilozi ovog Ugovora su dijelovi Ponude Isporučioca: Obrazac za ponudu i Izjava ponuđača (Aneks II), Obrazac za cijenu ponude (Aneks III), Tehnička specifikacija (Aneks 4).

Broj protokola: 03-718/19

Prodavac:
Nerro d.o.o. Sarajevo

Direktor

Mirsad Mujkić



Kupac
Javna ustanova osnovna škola
„Osman Nakaš „ Sarajevo

Direktor

Aida Mikić

